

**KJP Centar „Skenderija“ d.o.o. Sarajevo**  
**NADZORNI ODBOR**

Broj: 664/24

Datum: 01. 02. 2024

Na osnovu člana 8. tačka d.stav 1. i člana 26. tačka 1. Zakona o javnim preduzećima u Federaciji Bosne i Hercegovine («Službene novine FBiH» br. 8/05,81/08, 22/09 i 109/12), člana 41. tačka o. i člana 79.stav 1. Statuta Preduzeća, i Odluke Nadzornog odbora KJP Centar «Skenderija» d.o.o.Sarajevo broj 664/24 od 01. 02. 2024 godine, Nadzorni odbor raspisuje

**JAVNI KONKURS**  
**za izbor i imenovanje predsjednika i 2 (dva) člana Odbora za reviziju**  
**KJP Centar «Skenderija» d.o.o. Sarajevo**

Objavljuje se javni konkurs za izbor i imenovanje predsjednika i 2 (dva) člana Odbora za reviziju KJP Centar «Skenderija» d.o.o. Sarajevo.

**1. Opis pozicije**

Odbor za reviziju ima obavezu i odgovornost:

- imenovati vanjskog revizora,
- imenovati direktora Odjela za internu reviziju Preduzeća, na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju investicija u Federaciji Bosne i Hercegovine nije upoznato preduzeće sa namjerom da izvrši imenovanje u roku od 30 (trideset) dana od dana kada je generalni revizor obaviješten o razrješenju lica na toj poziciji,
- razmotriti godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te obezbjeđuje da prijavljena pitanja budu bez odlaganja i na odgovarajući način korigovana,
- razmotriti strategiju rizika i plan revizije i postigne sporazum sa generalnim revizorom po pitanju obrade, u slučaju kada je generalni revizor imenovao direktora Odjela za internu reviziju Preduzeća,
- osigurati da Odjel za internu reviziju izvrši svoj posao u skladu sa planom revizije,
- izvršiti reviziju polugodišnjeg i godišnjeg obračuna i istovremene kontrolu usklađenosti poslovanja Preduzeća i funkcionisanja organa Preduzeća sa Zakonom o privrednim društvima i pozitivnim pravnim propisima i osnovnim principima korporativnog upravljanja i o tome dostavi Izvještaj Skupštini Preduzeća i Nadzornom odboru Preduzeća najkasnije 8 (osam) dana po okončanju revizije;
- zahtijevati sazivanje sjednice Skupštine Preduzeća i Nadzornog odbora Preduzeća kada smatra da su ugroženi interesi vlasnika ili nepravilnosti u radu predsjednika ili članova Nadzornog odbora Preduzeća ili Uprave Preduzeća;
- osigurati da interne kontrole u Preduzeću budu adekvatne i da funkcionišu kako je predviđeno,
- podnositi Nadzornom odboru Preduzeća sažete mjesečne izvještaje o svojim sastancima svakog mjeseca,
- konsultovati se sa generalnim revizorom u pogledu nezavisne revizorske organizacije ili strukovne stručne grupe, koja vrši stručno unutrašnje strukovno ocjenjivanje Odjela za internu reviziju Preduzeća svake dvije do tri godine;
- osigurati da Odjel za internu reviziju Preduzeća obavlja svoje obaveze u skladu sa međunarodnim revizorskim standardima,
- da svoje nadležnosti vrši u skladu sa odredbama Zakona o javnim preduzećima i Zakona o privrednim društvima;

**2. Izbor i imenovanje**

Odluku o raspisivanju javnog konkursa za izbor i imenovanje predsjednika i članova Odbora za reviziju Preduzeća donosi Nadzorni odbor Preduzeća, najkasnije 90 (devedeset) dana prije isteka mandata.

U postupku provođenja javnog konkursa za izbor i imenovanje predsjednika i članova Odbora za reviziju Preduzeća, istovremeno sa donošenjem Odluke o raspisivanju javnog konkursa Nadzorni odbor Preduzeća utvrđuje tekst konkursa i donosi Odluku o imenovanju Komisije za izbor predsjednika i članova Odbora za reviziju Preduzeća, kojom se reguliše sastav, nadležnosti i način njenog rada.

Odluku o imenovanju predsjednika i članova Odbora za reviziju Preduzeća donosi Skupština Preduzeća na prijedlog Nadzornog odbora Preduzeća.

### **3. Mandat**

Mandat članovima Odbora za reviziju je 4 (četiri) godine, s mogućnošću ponovnog izbora.

### **4. Naknada**

Predsjednik i članovi Odbora za reviziju Preduzeća imaju pravo na naknadu za svoj rad u skladu sa Zakonom o plaćama i naknadama članova organa upravljanja i drugih organa, institucija Kantona Sarajevo, Kantonalnih javnih Preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj: 10/16).

### **5. Uslovi**

Za predsjednika i članove Odbora za reviziju Preduzeća mogu biti imenovana lica koja ispunjavaju opće i posebne uslove utvrđene zakonom i Statutom Preduzeća

#### **a) Opći uslovi**

1. da je stariji od 18 godina, a mlađi od 65 godina na dan imenovanja (Dokaz: Izvod iz matične knjige rođenih ili ovjerena kopija Izvoda iz matične knjige rođenih)
2. da je državljanin Bosne i Hercegovine ( dokaz: Uvjerenje o državljanstvu, orginal ne stariji od 6 (šest) mjeseci ili ovjerena kopija Uvjerenja o državljanstvu)
3. da nije osuđivan za krivično djelo i prekršaj nespojiv sa dužnošću predsjednika/člana Odbora za reviziju KJP Centar „Skenderija“ d.o.o. Sarajevo, 5 (pet) godina od dana pravosnažnosti presude, isključujući vrijeme zatvorske kazne (Dokaz: Uvjerenje o neosuđivanosti nadležnog Ministarstva unutrašnjih poslova, orginal ne stariji od 3 (tri) mjeseca ili ovjerena kopija i Uvjerenje nadležnog suda-prekršajno odjeljenje, orginal ne stariji od 3 (tri) mjeseca ili ovjerena kopija)
4. da se protiv njega ne vodi krivični postupak (dokaz: Uvjerenje nadležnog suda, orginal ne stariji od 3 (tri) mjeseca ili ovjerena kopija)
5. da nije otpušten iz državne službe kao rezultat disciplinske mjere na bilo kojem nivou u BiH u periodu od 3 (tri) godine prije dana objavljivanja ovog Javnog konkursa (dokaz: potpisana izjava kandidata ovjerena od nadležnog organa, ne starija od 3 (tri) mjeseca)
6. da nije pod optužnicom Međunarodnog suda za ratne zločine u bivšoj Jugoslaviji-član IX tačka 1. Ustava BiH ( dokaz: potpisana izjava kandidata ovjerena od nadležnog organa, ne starija od 3 (tri) mjeseca)
7. da mu pravosnažnom presudom suda nije zabranjeno obavljanje aktivnosti iz nadležnosti Odbora za reviziju KJP Centar „Skenderija“ d.o.o. Sarajevo (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
8. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti Bosne i Hercegovine („Službeni glasnik Bosne i Hercegovine“ broj: 16/02, 12/04 i 63/08) i Zakona o sukobu interesau organima vlasti u Federaciji Bosne i Hercegovine („Službene novine FBiH“ broj: 70/08)- (dokaz: potpisana izjava kandidata ovjerena od nadležnog organa, ne starija od 3(tri) mjeseca)
9. da nije na funkciji u političkoj stranci (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
10. da nema direktni ili indirektni finansijski i drugi interes u KJP Centar „Skenderija“ d.o.o. Sarajevo, izuzev naknade po osnovu funkcije (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)

11. da nije član Skupštine KJP Centar „Skenderija“ d.o.o. Sarajevo, Nadzornog odbora KJP Centar „Skenderija“ d.o.o. Sarajevo i Uprave KJP Centar „Skenderija“ d.o.o. Sarajevo, niti radnik KJP Centar „Skenderija“ d.o.o. Sarajevo, kao i da nema direktni ili indirektni finansijski i drugi interes u KJP Centar „Skenderija“ d.o.o. Sarajevo ( dokaz: potpisana izjava kandidata ovjerena od nadležnog organa, ne starija od 3 (tri) mjeseca)

**b) Posebni uslovi**

1. da ima univerzitetsku diplomu VII stepena stručne spreme, odnosno visoko obrazovanje drugog ili trećeg ciklusa Bolonjskog sistema studiranja ekonomskog smjera;  
(dokaz: ovjerena kopija diplome ne starija od 3 mjeseca)
2. da ima najmanje 5 (pet) godina radnog iskustva na finansijsko-računovodstvenim poslovima, poslovima revizije, finansijske kontrole, nakon sticanja univerzitetske diplome, odnosno visokog obrazovanja;  
(dokaz: potvrda ili uvjerenje poslodavca o potrebnom radnom iskustvu u struci)
3. da ima stručna znanja iz djelatnosti KJP Centra „Skenderija“ d.o.o. Sarajevo i upućenost u sadržaj i način rada organa upravljanja javnih preduzeća;  
(dokaz: provjerit će se putem intervjua)

**c) Prilikom procjene kvalifikacije i iskustava kandidata, uzet će se u obzir i sljedeći kriteriji:**

- sposobnost prepoznavanja, zastupanja i zaštite interesa javnog preduzeća (dokaz: provjerit će se putem intervjua)
- sposobnost za savjesno, odlučno i odgovorno obavljanje dužnosti na poziciji člana Odbora za reviziju (dokaz: provjerit će se putem intervjua)
- izražena inicijativnost, neovisnost u radu i donošenju odluka (dokaz: provjerit će se putem intervjua)
- znanje i sposobnost razumijevanja poslovnih izvještaja, poznavanje privrednog prava i ukupnog zakonodavstva na području djelovanja Odbora za reviziju (dokaz: provjerit će se putem intervjua)
- sposobnost upravljanja materijalnim, finansijskim i ljudskim resursima (dokaz: provjerit će se putem intervjua);
- komunikacijske i organizacijske sposobnosti (dokaz: provjerit će se putem intervjua);
- rezultati rada ostvareni tokom profesionalne karijere (dokaz: potvrda i preporuka poslodavaca - original ne stariji od 3 (tri) mjeseca ili ovjerena kopija)

**6. Potrebna dokumentacija**

Kandidati su dužni uz prijavu koja sadrži kraću biografiju, adresu i kontakt telefon, priložiti i originalne dokumente ili ovjerene fotokopije dokumenata - Uslovi za pozicije, koji predstavljaju dokaz o ispunjavanju općih i posebnih uslova traženih konkursom, te rezultatima rada ostvarenim tokom profesionalne karijere.

**7. Ostale napomene**

Komisija za izbor predsjednika i članova Odbora za reviziju KJP Centar „Skenderija“ d.o.o. Sarajevo, koju imenuje Nadzorni odbor KJP Centar „Skenderija“ d.o.o. Sarajevo će nakon zaključenja konkursa pregledati sve prispjele prijave i utvrditi da li su blagovremene i sa potpunom dokumentacijom.

Nepotpune i neblagovremne prijave Komisija za izbor predsjednika i članova Odbora za reviziju KJP Centra „Skenderija“ d.o.o. Sarajevo neće razmatrati.

Komisija za izbor predsjednika i članova Odbora za reviziju KJP Centar „Skenderija“ d.o.o. Sarajevo će razmotriti sve potpune i blagovremene prijave i sačiniti listu kandidata koji su ušli u uži izbor, te obaviti intervju sa kandidatima koji budu stavljeni na listu sa užim izborom.

Prijave kandidata sa kojima se ne stupi u kontakt u roku od 10 (deset) dana od dana isteka roka za podnošenje prijave neće biti razmatrane u daljem toku kandidovanja.

Komisija za izbor predsjednika i članova Odbora za reviziju KJP Centar „Skenderija“ d.o.o. Sarajevo zadržava pravo provjere svih podataka iz izjava i drugih dokumenata kandidata.

Odluku o imenovanju predsjednika i članova Odbora za reviziju Preduzeća donosi Skupština KJP Centar „Skenderija“ d.o.o. Sarajevo, na prijedlog Nadzornog odbora KJP Centar „Skenderija“ d.o.o. Sarajevo.

Sve informacije o toku postupka kandidiranja su transparentne, osim ako informacija o podnosiocima prijave nije povjerljiva u smislu Zakona o zaštiti ličnih podataka ("Službeni glasnik BiH", broj:49/06,76/11 i 89/11).

Prijave sa dokazima o ispunjavanju traženih općih i posebnih uslova, te rezultatima rada ostvarenim tokom profesionalne karijere, kandidati su dužni dostaviti lično ili preporučenom poštom, na adresu:

**KJP Centar «Skenderija» d.o.o. Sarajevo, ulica Terezija bb, sa naznakom:  
«PRIJAVA  
NA KONKURS ZA IZBOR I IMENOVANJE PREDsjedNIKA I 2 (DVA) ČLANA  
ODBORA ZA REVIZIJU  
– NE OTVARAJ- »**

Na poleđini koverta potrebno je navesti ime i prezime podnosioca prijave, adresu i kontakt telefon.

Javni konkurs će biti objavljen u „Službenim novinama Federacije BiH“, dnevnom listu „Oslobođenje“, na web stranici Preduzeća i Registru Javnih poziva za izbor i imenovanje u organima nadzora, upravljanja i rukovođenja u javnom sektoru Kantona Sarajevo.

Javni konkurs ostaje otvoren 15 (petnaest) dana od dana posljednjeg objavljivanja.

KJP Centar „Skenderija“ d.o.o. Sarajevo nije obavezna vraćati dokumentaciju priloženu uz prijavu.

Predsjednik Nadzornog odbora

Admir Bukva